

召赴闕俾醮於

大內玄天祠七月

命就朝天宮修祈謝醮儀禮畢

召對

准奏大赦天下

六年三月

准辭還山抵潞河

上特遣錦衣衛百戶劉昇令以原給符驗外加撥馬快船追送

八年

命建禱謝醮於內庭

道藏輯要

漢天師世家

翼

翼集七

錫誥加封正一嗣教體玄悟法淵默靜虛闡道弘化妙應大真人

再加封高氏太玄君誥

奉

天承運

皇帝制曰朕惟神明之胄克闡玄元之道者國家既褒顯之而又加恩於其親所以重原本而廣孝道於無窮也爾慈惠靜淑太玄君高氏乃正一嗣教體玄悟法淵默靜虛闡道弘化妙應大真人掌天下道教事張元吉之母早失所天孀居守節撫育孤幼克振宗風婦道母儀昭於閭閻眷茲玄行宜用

褒獎茲特又封爾爲慈和端惠貞淑太玄君錫之誥命以昭
異數爾尙益勵善德迓景福於悠久欽哉

制誥

天順八年七月十二日

之寶

成化元年

上御文華殿召見

賜宴殿中

二年正月

上遣中官以天廐良馬及文錦朱履酒果之屬齎

道藏輯要

漢天師世家

望

翼集七

賜爲壽翌日仍

賜宴內庭十一日

命分獻風雲雷雨壇二月

命建昇真醮於大德觀

申禁假造符籙勅

勅正一嗣教體玄悟法淵默靜虛闡道弘化妙應大真人張元
吉

朕惟道教有護國庇民之功國法有祐善懲惡之典此理勢
相資不可缺者也爾先世乃神明之裔代以嫡長相承掌領
道教其來久矣迨爾幼孤族屬人欲相侵奪賴我